

韓昌黎詩集編年箋注

唐李漢編昌黎先生集得古詩二百一十聯句十一律詩一百六十不以年次宋計有功唐詩紀事於昌黎雖有編年而詩或從略嗣是注韓詩者輩出而呂大防程俱洪興祖方崧卿各譔年譜樊汝霖又作年譜注 國朝顧氏嗣立參考新舊兩書取諸家之譜增訂訛畧閱者便之然以詩繫年與諸家不無小異舛訛亦時有而轉注故實尤多所未備夫知人論世當細覈其迴翔中外仕路升沉與夫藩鎮宦豎朋黨紛乘之故乃可句櫛字梳年經月緯而無忒朱子於韓集用功最深考異一書學者尚有疑竇後世可率臆而爲之說歟吾友方扶南先生譔昌黎編年詩注博極羣書詳考事實大抵

援新舊兩書以正諸家之誤援行狀墓誌以正兩史之誤俾
讀者顯顯然如與籍湜輩親登其堂斯真昌黎之功臣也已
扶南老矣將售是書以為買山計余既歸其貲且付剞劂扶
南學問浩博然未免有貪多之病其注之重複者如湯湯字首卷古風
既注堯典二卷龍習見者如孟子注之類以詩注復以
宮難詩復注之類如蘇武詩不須注者如浩浩悠悠開盡
賦注者如絲竹字既以蘇武詩刪之訛舛者如魏都賦肅肅階闥後更正之不
知扶南以為何如也乾隆二十三年戊寅六月德州盧見曾

序

序

唐詩之有可箋注者莫如杜韓二家杜有千家注韓有五百家注皆宋人所裒集廣收博采用力勤矣然其說多有不當辭而闕之者已歷有之杜千家注姑不論韓五百家注自朱子考異出而遂廢考異之後又有不著姓名者宗朱子而廣之明丞東吳徐氏刊以行世世所稱東雅堂本其書甚當顧辨注者多而箋事者少凡朱子指爲有爲而作未及細箋者亦遂無所發明嗟乎朱子之意安知其不望後人耶觀於尚書不自注而屬西山可類推也明人蔣處士之翹近時顧庶常嗣立繼有增注其於箋亦皆未詳注而不箋則非子夏三

百篇小序之旨又不得孟子以意逆志知人論世之義夫以
意逆志須精思知人論世必詳考善哉司馬遷之言曰好學
深思心知其意此精思之謂也班固之言曰篤學好古實事
求是此詳考之謂也深思始可箋注求是則必編年不得其
時而漫爲箋注知其意求其是也難韓詩本有年月可尋編
者壻李漢又公門人必得公次第本意其中閒有小舛亦或
公隨手所錄如杜過張隱居二首一七律一五律語氣分明
兩時杜彙之而宗武仍之李漢編輯韓亦或此例耶然有詩在
後而編在前讀之易知者如元和聖德詩事在元和二年而
今以壓卷此非舛誤蓋題目重大非前不可時事又著明詩

中無庸箋而年可考今非韓之時變而移置元和二年以順
編年之例易耳其有年未明編遂誤箋說者如南山有高
樹行贈李宗閔乃憫其謫出遠州以規諷擠之者事在穆宗
長慶之初時宗閔有令名無敗行韓公素與交好又嘗同爲
裴度幕官故有此詩詩之結語不平可見今箋者以爲刺之
蓋因六宗三年宗閔爲相黨局始興七年復相穢跡大著君
子不黨詩必刺之而不考韓公歿於長慶四年其時相去甚
遠且隔敬宗一朝何由而預知其非早爲譏刺之詩乎此大
謬也又有年已明編猶誤箋注者如效玉川子月蝕詩盧開
手便書元和庚寅韓詩亦書新天子即位五年是爲王承宗

不庭之時時從裴度言用兵詔四面行營討之諸將畏怯逗
遛不前以故詩中以東西南北星文比而刺之箋者不審明
書之五年爲承宗時乃以元和十二年暴崩於中官之手當
之又大謬也大者如此細者必多年不重編詩終多晦今一
一考諸史証諸集參諸旁見側出之書以詳其時以箋其事
以辨諸家之說敢自謂知其意得其中乎聊出而就正於世
之好學深思篤志好古以上通孟子之說詩者或有取於一
知半解而論去其大謬斯余之厚望也夫桐城方世舉謹序

凡例

一李漢原編十卷今合諸本以及外集拾遺編十二卷

一目錄彙次從來在前簡帙徒多無關尋檢杜白之集可見
今既編年以每年之目領每年之詩分別每卷乃易檢閱
一注爲前人已有者悉依考異及東雅本仍著某云其東雅
堂不著名者於云字上空一字如顧本例其爲愚見則書
曰按

一凡注引古只當取最古最前之書然亦有後世承用而小
異者義無戾於古書字有關於本文今輒增之備參考也
一箋凡說一詩之旨者系於題後凡辨一句一字之是非者

系於句下皆有按字

一奇奇怪怪不主故常公自道也舊本收遺詩中有嘲鼾睡
二首宋人以公不信佛詩中用內典必非此見非也嘲者
爲僧有何不可公雖不宗佛教安見不泛閱佛書朱子集
中亦有晨起誦佛經小五古一首古人凡書不遺也二詩
奇崛古奧三唐中無此一手同時孟郊盧仝亦最好奇孟
有其疑鍊而不能舒長盧有其舒長而不能疑鍊周紫芝
指爲僞作此寡見多怪之論也今訂爲真

一有載在李漢原編而實非公作者凡二排律一和李逢吉
攝事南郊一和杜元穎太清宮紀事陳誠上李逢吉其稱

老子道過禹稷其頌逢吉不啻杜房誣累韓公甚矣今特辨之筴有長言例不多及

一有自來諸本未經訂正之字句而必不可不辨者如答張徹詩結友子讓抗請師我慙丁舊注相因皆以抗爲陸丁爲公孫丁殊不思上下文氣何取乎對壘之羊祜陸抗交綏之尹公公孫丁也師友故事多矣用此了無關涉今訂爲虛字抗乃抗禮之抗丁乃當也言我以子爲友子謙讓不敢抗禮子以我爲師我又慚愧不敢當也此一定之文理也

一舊本韓集前皆未列年譜近日顧本有之以爲增訂洪氏

方氏年譜而不知元豐閒之呂大防崇寧閒之程俱皆有之皆宋人皆可取紛紛收入甚苦繁冗今約而編年則每年之時事出處皆系於每卷目錄之下逐卷瞭然年譜可以不用並新舊二史本傳亦不必列前矣凡讀書者寧不知之

舊唐書本傳

韓愈字退之昌黎人

新唐書鄧州南陽人朱子考異云李白作韓文公父仲卿去思碑云南陽人而

公嘗自稱昌黎李翱作公行狀亦云昌黎某人皇甫湜作墓志不言鄉里又作神道碑乃云上世嘗居南陽又隸延州之武陽而舊書亦但云昌黎某今按新書蓋因李碑而加鄧州二字也然考漢書地理志有兩南陽其一河內修武即左傳所謂晉啓南陽也其一南陽堵陽即荊州之南陽郡字與赭同在唐屬鄧州者也方崧卿增考年譜云今孟懷州皆春秋南陽之地自漢至隋二州皆屬河內郡唐顯慶中始以孟州隸河南府建中中乃以河南之四縣入河陽三城使其後又改爲孟州今河內有河陽縣韓氏世居之故公每自言歸河陽省墳墓而女挈之銘亦曰歸骨于河南之河陽韓氏墓張籍祭公詩亦云舊塋盟津北則知公爲河內之南陽人詳此南陽之爲河內修武無可疑而新書鄧州之誤斷可識矣

父仲卿無名位

新書七世祖茂有功於後魏封安定王父仲卿爲武昌令有美政即去縣人刻石頌德終

秘書

郎愈生三歲而孤養於從父兄

新書愈生三歲而孤隨伯兄會貶官嶺表會卒嫂鄭

之愈自以孤子幼刻苦學儒不俟獎勵新書愈自知讀書日記數千百言比長盡

能通六經大曆貞元之閒文士多尚古學效揚雄董仲舒之

述作而獨孤及梁肅最稱淵奧儒林推重愈從其徒游銳意

鑽仰欲自振於一代洎舉進士投文於公卿閒故相鄭餘慶

頗爲之延譽由是知名於時尋登進士第宰相董晉出鎮大

梁辟爲巡官府除徐州張建封又請爲其實佐新書會董晉爲宜武節度

使表署觀察推官晉卒愈從喪出不四日愈發言真率無

所畏避操行堅正拙於世務調授四門博士轉監察御史德

宗晚年政出多門宰相不專機務官市之弊諫官論之不聽

愈嘗上章數千言極論之不聽怒貶爲連州陽山令量移江

陵府掾曹

〔新書〕改江陵法曹參軍

元和初召爲國子博士遷都官員外

郎

〔新書〕元和初權知國子博士分司東都三歲爲真改都官員外郎〔公神道碑〕除尚書都官郎中分司判祠部

時

華州刺史閻濟美以公事停華陰令柳澗縣務俾攝掾曹居數月濟美罷郡出居公館澗遂諷百姓遮道索前年軍頓役直後刺史趙昌按得澗罪以聞貶房州司馬愈因使過華知其事以爲刺史相黨上疏理澗留中不下詔監察御史李宗奭按驗得澗贓狀再貶澗封溪尉以愈妄論復爲國子博士愈自以才高累被擯黜作進學解以自喻曰國子先生晨入太學召諸生立館下誨之曰業精于勤荒于嬉行成于思毀于隨方今聖賢相逢治具畢張拔去兇邪登崇俊良占小善

者率以錄名一藝者無不庸肥羅剔抉刮垢磨光蓋有幸而獲選孰云多而不揚諸生業患不能精無患有司之不明行患不能成無患有司之不公言未既有笑于列者曰先生欺予哉弟子事先生于茲有年矣先生口不絕吟於六藝之文手不停披於百家之編記事者必提其要纂言者必鉤其玄貪多務得細大不捐燒膏油以繼晷常矻矻以窮年先生之業可謂勤矣舐排異端攘斥佛老補苴罅漏張皇幽眇尋墜緒之茫茫獨旁搜而遠紹障百川而東之迴狂瀾於既倒先生之於儒可謂有勞矣沈浸醲郁含英咀華作爲文章其書滿架上規姚姒渾渾無涯周誥殷盤佶屈聱牙春秋謹嚴左

氏浮誇易奇而法詩正而葩下迨莊騷太史所錄子雲相如
同工異曲先生之於儒可謂閎其中而肆其外矣少始知學
勇於敢爲長通於方左右具宜先生之於爲人可謂成矣然
而公不見信於人私不見助於友跋前疐後動輒得咎暫爲
御史遂竄南夷三爲博士冗不見治命與仇謀其敗幾時冬
煖而兒號寒年豐而妻啼飢頭童齒豁竟死何裨不知慮此
而反教人爲先生曰吁子來前夫大木爲杗細木爲桷櫨欂
侏儒椳闌扂楔各得宜施以成室者匠氏之工也玉札丹
砂赤箭青芝牛溲馬勃敗鼓之皮俱收竝蓄待用無遺者醫
師之良也登明選公雜進巧拙紆餘爲妍卓犖爲傑校短量

長唯器是適者宰相之方也昔者孟軻好辯孔道以明轅環天下卒老于行荀卿守正大論是宏逃讒于楚廢死蘭陵是二儒者吐辭爲經舉足爲法絕類離倫優入聖域其遇于世何如也今先生學雖勤不繇其統言雖多不要其中文雖奇不濟其用行雖修不顯於衆猶且月費俸錢歲靡廩粟子不知耕婦不知織乘馬從徒安坐而食踵常塗之促促窺陳編以盜竊然而聖主不加誅宰臣不見斥此非其利哉動而得謗名亦隨之投閑置散乃分之宜若夫商財賄之有無計班資之崇庠忘量已之所稱指前人之瑕疵是所謂詰匠氏之不以杙爲楹而訾鑿師以昌陽引年欲進其猪苓也執政覽

其文而憐之以其有史才改比部郎中史館修撰踰歲轉考
功郎中知制誥拜中書舍人俄有不悅愈者撫其舊事言愈
前左降為江陵掾曹荆南節度使裴均館之頗厚均子鶚凡
鄙近者鶚還省父愈為序餞鶚仍呼其字此論喧於朝列坐
是改太子右庶子〔新書〕初憲宗將平蔡命御史中丞裴度使
諸軍按視及還具言賊可滅與宰相議不
合愈亦奏言淮西連年侵掠得不償費其敗可立而待然未
可知者在陛下斷與不斷耳執政不喜會有人詆愈在江陵
云云元和十二年八月宰臣裴度為淮西宣慰處置使兼彰義

軍節度使請愈為行軍司馬仍賜金紫淮蔡平

〔新書〕度宣慰
淮西奏愈行

軍司馬愈請乘遽先入汴說韓宏使協力〔公墓志云〕公以右
庶子兼御史中丞行軍司馬宰相軍出潼關請先乘遽至汴
感說都統師乘遂和卒擒元濟〔公行狀云〕公為行軍司馬從
丞相居於鄆城公知蔡州精卒聚界上以拒官軍守城者率

老弱且不過千人亟白丞相請以兵三千人閒道以入必擒元濟丞相未及行而李愬自唐州文城壘提其卒以夜入蔡州果得元濟又云蔡州既平布衣柏耆以計謁公公與語奇之遂白丞相曰淮西滅王承宗膽破可不勞用衆宜使辯士奉相公書明禍福以招之彼必服丞相然之公口占爲書使柏耆袖之以至鎮州承宗果大恐上表請割德棣二州以獻十二月隨度還朝以功授刑部侍郎仍詔愈撰平淮西碑其辭多敘裴度事時先入蔡州擒吳元濟李愬功第一愬不平之愬妻出入禁中因訴碑辭不實詔令磨愈文憲宗命翰林學士段文昌重撰文勒石鳳翔法門寺有護國真身塔塔內有釋迦文佛指骨一節其書本傳法三十年一開闢則歲豐人泰十四年正月上令中使杜英奇押宮人三十人持香花赴臨臯驛迎佛骨自光順門入大內留禁中三日乃送諸寺

王公士庶奔走捨施唯恐在後百姓有廢業破產燒頂灼臂而求供養者愈素不喜佛上疏諫曰伏以佛者夷狄之一法耳自後漢時始流入中國上古未嘗有也昔黃帝在位百年年百一十歲少昊在位八十年年百歲顓頊在位七十九年年九十八歲帝嚳在位七十年年百五歲帝堯在位九十八年年百一十八歲帝舜及禹年皆百歲此時天下太平百姓安樂壽考時中國未有佛也其後殷湯亦年百歲湯孫太戊在位七十五年武丁在位五十年書史不言其壽推其年數蓋不減百歲周文王年九十七歲武王年九十三歲穆王在位百年此時佛法亦未至中國非因事佛而致此也漢明帝

時始有佛法明帝在位纔十八年耳其後亂亡相繼運祚不長宋齊梁陳元魏已下事佛漸謹年代尤促唯梁武帝在位四十八年前後三度捨身施佛宗廟之祭不用牲牢晝日一食止於菜果其後竟爲侯景所逼餓死臺城國亦尋滅事佛求福乃更得禍由此觀之佛不足信亦可知矣高祖始受隋禪則議除之當時羣臣識見不遠不能深究先王之道古今之宜推闡聖明以究斯弊其事遂止臣嘗恨焉伏惟皇帝陛下神聖英武數千百年已來未有倫比即位之初即不許度人爲僧尼道士又不許別立寺觀臣當時以爲高祖之志必行於陛下之手今縱未能即行豈可恣之轉令盛也今聞陛

下令羣僧迎佛骨於鳳翔御樓以觀昇入大內令諸寺遞迎
供養臣雖至愚必知陛下不惑於佛作此崇奉以祈福祥也
直以豐年之樂徇人之心爲京都士庶設詭異之觀戲玩之
具耳安有聖明若此而肯信此等事哉然百姓愚冥易惑難
曉苟見陛下如此將謂真心信佛皆云天子大聖猶一心敬
信百姓微賤於佛豈合惜身命所以灼頂燔指百十爲羣解
衣散錢自朝至暮轉相倣效唯恐後時老幼奔波棄其生業
若不卽加禁遏更歷諸寺必有斷臂鑿身以爲供養者傷風
敗俗傳笑四方非細事也佛本夷狄之人與中國言語不通
衣服殊製口不道先王之法言身不服先王之法物不知君

臣之義父子之情假如其身尚在奉其國命來朝京師陛下
容而接之不過宣政一見禮賓一設賜衣一襲衛而出之於
境不令惑於衆也況其身死已久枯朽之骨凶穢之餘豈宜
以入宮禁孔子曰敬鬼神而遠之古之諸侯行弔於國尚令
巫祝先以桃茢被除不祥然後進弔今無故取朽穢之物觀
視之巫祝不先桃茢不用羣臣不言其非御史不舉其失臣
實恥之乞以此骨付之水火永絕根本斷天下之疑絕後代
之惑使天下之人知大聖人之所作爲出於尋常萬萬也豈
不盛哉豈不快哉佛如有靈能作禍祟凡有殃咎宜加臣身
上天鑒臨臣不怨悔疏奏憲宗怒甚閒一日出疏以示宰臣

將加極法裴度崔羣奏曰韓愈上忤尊聽誠宜得罪然而非
內懷忠懇不避黜責豈能至此伏乞稍賜寬容以來諫者上
曰愈言我奉佛太過我猶爲容之至謂東漢奉佛之後帝王
咸致天促何言之乖刺也愈爲人臣敢爾狂妄固不可赦于
是人情驚惋乃至國戚諸貴亦以罪愈太重因事言之乃貶
爲潮州刺史愈至潮陽上表曰臣今年正月十四日蒙恩授
潮州刺史即日馳驛就路經涉嶺海水陸萬里臣所領州在
廣府極東去廣府雖云二千里然來往動皆踰月過海口下
惡水濤瀧壯猛難計期程颶風鱷魚患禍不測州南近界漲
海連天毒霧瘴氛日夕發作臣少多病年纔五十髮白齒落

理不久長加以罪犯至重所處又極遠惡憂惶慙悸死亡無日單立一身朝無親黨居蠻夷之地與魑魅同羣苟非陛下哀而念之誰肯爲臣言者臣受性愚陋人事多所不通唯酷好學問文章未嘗一日暫廢實爲時輩推許臣於當時之文亦未有過人者至於論述陛下功德與詩書相表裏作爲歌詩薦之郊廟紀太山之封鏤白玉之牒鋪張對天之宏休揚厲無前之偉蹟編於詩書之策而無愧措於天地之間而無虧雖使古人復生臣未肯多讓伏以大唐受命有天下四海之內莫不臣妾南北東西地各萬里自天寶之後政治少懈文致未復武尅不綱孽臣姦隸外順內悖父死子代以祖以

孫如故諸侯自擅其地不朝不貢六十七年四聖傳序以至
陛下躬親聽斷干戈所麾無不從順宜定樂章以告神明東
巡泰山奏功皇天使永永萬年服我成烈當此之際所謂千
載一時不可逢之嘉會而臣負罪嬰蒙自拘海島戚戚嗟嗟
日與死迫曾不得奏薄伎於從官之內隸御之間窮思畢精
以贖前過懷痛窮夭死不閉目瞻望宸極魂神飛去伏惟陛
下天地父母哀而憐之憲宗謂宰臣曰昨得韓愈到潮州表
因思其所諫佛骨事大是愛我我豈不知然愈爲人臣不當
言人主事佛乃年促也我以是惡其容易上欲復用愈故先
語及觀宰臣之奏對而皇甫鏞惡愈狷直恐其復用率先對

曰愈終大狂疎且可量移一郡乃授袁州刺史初愈至潮陽
既視事詢吏民疾苦皆曰郡西湫水有鱷魚卵而化長數丈
食民畜產將盡以是民貧居數日愈往視之令判官秦濟炮
一豚一羊投之湫水咒之曰前代德薄之君棄楚越之地則
鱷魚涵泳於此可也今天子神聖四海之外撫而有之況揚
州之境刺史縣令之所治出貢賦以共天地宗廟之祀鱷魚
豈可與刺史雜處此土哉刺史受天子命令守此土而鱷魚
睥然不安谿潭食民畜態鹿麋豕以肥其身以繇其卵與刺
史爭為長刺史雖駑弱安肯為鱷魚低首而下哉今潮州大
海在其南鯨鵬之大蝦蟹之細無不容鱷魚朝發而夕至今

與鱷魚約三日乃至七日如頑而不徙須爲物害則刺史選材伎壯夫操勁弓毒矢與鱷魚從事矣咒之夕有暴風雷起於湫中數日湫水盡涸徙於舊湫西六十里自是潮人無鱷患袁州之俗男女隸於人者踰約則没入出錢之家愈至設法贖其所没男女歸其父母仍削其俗法不許隸人十五年徵爲國子祭酒轉兵部侍郎會鎮州殺田宏正立王廷湊令愈往鎮州宣諭愈既至集軍民諭以逆順辭情切至廷湊畏重之改吏部侍郎

新書詔愈宣撫既行衆皆危之元稹言韓愈可惜穆宗亦悔詔愈度事從宜無必入

愈曰安有受君命而滯留自顧遂疾驅入廷湊嚴兵逆之甲士陳庭既坐廷湊曰所以紛紛者乃此士卒也愈大聲曰天子以公爲有將帥材故賜以節豈意同賊反邪語未終士前奮曰先太師爲國擊朱滔血衣猶在此軍何負朝廷乃以爲

賊乎愈曰以爲爾不記先太師也若猶記之固善且爲逆與順利害不能遠引古事但以天寶來禍福爲爾等明之安祿山史思明李希烈梁崇義朱滔朱泚吳元濟李師道有若子若孫在乎亦有居官者乎衆曰無愈曰田公以魏博六州歸朝廷官中書令父子受旗節劉悟李祐皆大鎮此爾軍所共聞也衆曰宏正刻故此軍不安愈曰然爾曹害田公又殘其家矣復何道衆乃謹曰侍郎語是廷湊恐衆心動遽麾使去因泣謂愈曰今欲廷湊何所爲愈曰神策六軍之將如牛元翼比者不少但朝廷顧大體不可棄之公久圖之何也廷湊曰即出之愈曰若爾則無事矣會元翼亦潰圍出廷湊不追愈歸奏其語帝大悅轉吏部侍郎

轉京兆尹兼御史大夫以不臺叅爲御史

中丞李紳所劾愈不伏言準勅仍不臺叅紳愈性皆褊僻移刺往來紛然不止乃出紳爲浙西觀察使愈亦罷尹爲兵部侍郎及紳面辭赴鎮泣涕陳敘穆宗憐之乃追制以紳爲兵部侍郎愈復爲吏部侍郎長慶四年十二月卒時年五十七

墓志云長慶四年十二月丙子
葬明年三月癸酉葬河南河陽贈禮部尚書諡曰文愈性宏

通與人交榮悴不易少時與洛陽人孟郊東郡人張籍友善

二人名位未振愈不避寒暑稱薦於公卿閒而籍終成科第

榮於祿仕後雖通貴每退公之隙則相與談讌論文賦詩如

平昔焉而觀諸權門豪士如僕隸焉瞪然不顧而頗能誘厲

後進館之者十六七

新書愈成就後進士往往知名經愈指授皆稱韓門弟子雖晨炊不

給怡然不介意大抵以興起名教宏獎仁義爲事凡嫁內外

及友朋孤女僅十人

新書凡內外親若交友無後者爲嫁遣孤女而恤其嫁嫂鄭喪爲服暮以報

常以爲自魏晉已還爲文者多拘偶對而經誥之指歸遷雄
之氣格不復振起矣故愈所爲文務反近體抒意立言自成

一家新語後學之士取爲師法當時作者甚衆無以過之故

世稱韓文焉

新書愈每言文章自漢司馬相如太史公劉向揚雄後作者不世出故愈深探本元卓然樹立

成一家言其原道原性師說等數十篇皆與衍闡深與孟軻揚雄相表裏而佐佑六經云至它文造端置辭要爲不襲蹈前人者然惟愈爲之沛然若有餘至其徒李翱李漢皇甫湜從而效之遠不及遠甚然時有恃才肆意

亦有塾孔孟之旨若南人妄以柳宗元爲羅池神而愈謾碑

以實之李賀父名晉不應進士而愈爲賀作諱辨令舉進士

又爲毛穎傳譏戲不近人情此文章之甚紕繆者時謂愈有

史筆及撰順宗實錄繇簡不當敘事拙於取捨頗爲當代所

非穆宗文宗嘗詔史臣添改時愈壻李漢蔣係在顯位諸公

難之而韋處厚竟別撰順宗實錄三卷有文集四十卷

行狀云有

集四十卷
小集十卷
李漢爲之序子昶亦登進士第

昌黎本傳

工

雅雨堂

韓昌黎詩集編年箋注卷一目錄

芍藥歌

出門

北極一首贈李觀

落葉一首送陳羽

岐山下一首

謝自然詩

華山女

馬厭穀

苦寒歌

長安交遊者一首贈孟郊

孟生詩

利劍

重雲一首李觀疾贈之

送汴州監軍俱文珍

答孟郊

古風

天星送楊凝郎中賀正

忽忽

汴州亂二首

贈河陽李大夫

此日足可惜一首贈張籍

贈張徐州莫辭酒

齷齪

汴泗交流贈張僕射

雉帶箭

嗟哉董生行

鳴雁

駕驥

贈族姪

河之水二首寄子姪老成

歸彭城

幽懷

贈鄭兵曹

卷一凡三十五首起少時作迄登第後佐董晉於汴
佐張建封於徐諸詩其貞元八年登第試帖爲明水
賦御溝新柳詩不貳過論集中今惟載論其賦尚見
外集惟御溝新柳詩無所見今不入目

韓昌黎詩集編年箋注卷一 桐城方世舉扶南考訂

芍藥歌

一本作王司馬紅芍藥歌

丈人庭中開好花更無凡木爭春華翠莖紅蕊天力與此恩
不屬黃鍾家溫馨熟美鮮香起似笑無言習君子霜刀翦汝
天女勞何事低頭學桃李嬌癡婢子無靈性競挽春衫來比
並欲將雙頰一睇紅綠窗磨徧青銅鏡一樽春酒甘若飴丈
人此樂無人知花前醉倒歌者誰楚狂小子韓退之

不屬黃鍾家

月令仲冬之月律中黃鍾按黃鍾宮音宮者君也句言不屬當謂王司馬本為朝士以不

得於君出為司馬其用之芍藥者裨雅釋草芍藥榮於仲冬華於孟夏習晉書王恭語王忱論陶侃僕狗我所習皆謂深知熟習也君子謂王司馬霜刀杜甫詩褒子左右揮霜刀天女史記

天官書織女婢子左傳僖公二十二年寡青銅鏡辛延年

鏡楚狂小子建中貞元閒公避地江濱在古為楚地故

也結意與不屬黃鍾語相應

按王伯大云此詩恐是公少作此說是也又云據公與邢尚書書自稱七歲而讀書十二而能文此篇才情縱逸環奇溢目此語亦是又云見夫天之所以與我者非凡木之匹儔可比德於君子而非兒女所能彷彿其自命固已不凡

是則誤解按何事低頭學桃李以上皆指王司馬其婢子以下語乃刺軟美逢時者以為王司馬瀉憤與自命何與哉一樽以下結賞花耳

出門易同人卦出門同人又隨卦出門交有功按長安百萬家出門無所之豈敢尚幽獨與世實參差古人雖

已死書上有其辭開卷讀且想千載若相期出門各有道我

道方未夷且於此中息天命不我欺

長安

三輔黃圖漢高祖有天下始都長安欲其子孫長安都於此也注長安本秦之鄉名高祖作都於此未

夷

北史劉炫傳世故未夷夷平也

北極一首贈李觀

列子湯問篇岱輿員嶠二山流於北極沉於大海按新唐書李觀傳

觀字元賓貞元中舉進士宏辭連中授太子校書郎卒年二十九觀屬文不旁沿前人時謂與韓愈相上下又按科名記是年陸贄主司愈與觀同登進士詩正其時上邢君牙書云二十有五而擢第與詩語合又按新唐書歐陽詹傳詹與韓愈李觀李絳崔羣王涯為宿庾承宣聯第皆天下選時稱龍虎榜

北極有羈羽南溟有沉鱗川原浩浩隔影響兩無因風雲一

朝會變化成一身誰言道里遠感激疾如神我年二十五求

友昧其人哀歌西京市乃與夫子親所尚苟同趨賢愚豈異

倫方為金石姿萬世無緇磷無為兒女態憔悴悲賤貧

南溟

莊子逍遙遊南溟者天池也

沈鱗

抱朴子勗學篇沈鱗可動之以聲音

風雲會

班固答賓

戲彼皆躡

一身

蘇武詩況我連枝樹與子同一身

疾如神

易繫辭惟神也故不疾而速不

行而

西京

三輔黃圖漢高祖始都長安實曰西京新唐書地理志上都初曰京城天寶元年曰西京

石

阮籍詩如何金石交一旦更離傷

兒女態

後漢書來歙傳呼巨卿欲相屬以軍事而反效兒女子涕

泣憔悴

屈原漁父篇顏色憔悴形容枯槁

落葉一首送陳羽

陳羽江東人登貞元進士第歷官樂官尉佐漢武帝落葉哀蟬曲落

葉依于重扃以起句落葉二字命題仿三百篇與前北極同

落葉不更息斷蓬無復歸飄颻終自異邂逅暫相依悄悄深

夜語悠悠寒月輝誰云少年別流淚各霑衣

斷蓬

司馬彪詩秋蓬獨何辜飄飄隨風轉

邂逅

詩蔓草邂逅相遇適我願兮

少年別

沈約詩平

生少年日分手易前期此詩蓋翻其語

按詩云晚唐人律詩如此入古體覺別自有致此誤因舊編云然此即五律孟郊集亦有五律而後人誤同古詩殊不辨音節

岐山下一首

誰謂我有耳不聞鳳皇鳴

邱揭切又去謁切

來岐山下日暮邊鴻

驚丹穴五色羽其名曰鳳皇昔周有盛德此鳥鳴高岡和聲

隨祥風

鳥皎切一作窈

窈相飄揚聞者亦何事但知時俗康自從

公旦死千載闕其光吾君亦勤理遲去聲爾一來翔

按此篇亦有分二首者非

竭來

說文竭去也曾子歸耕岐山下詩縣車西水許至于岐下水經注云岐山

在扶風美陽縣西北新唐書地理志鳳丹穴齊州以南戴

翔府扶風郡岐山縣有岐山屬關內道丹穴爾雅釋地距

日為丹穴南山經丹穴之山有鳥鳴高岡詩卷阿鳳皇鳴焉其狀如雞五采而文名曰鳳皇

和聲左傳鳳皇于飛和鳴鏘鏘又和聲入于耳而藏于心王褒聖主得賢臣頌

氣皆窈說文窈深目也窈深遠也窈深肆極也按窈窕亦

游窈窕相近可通然與窈字相連宜作窈窕以詩經為正

遲爾後漢書章帝紀朕思遲來翔魏志管寧傳振翼

直士注遲猶希望也來翔遐裔翻然來翔

按宋人程俱編年譜公遊鳳翔以書抵邢君牙不得意去

此詩題岐山下正其時也非汎汎作朱子亦訂為至鳳翔

時

謝自然詩

太平廣記謝自然孝廉謝襄女集仙錄謝自然居果州南充縣年十四修道不食菜

室于金泉山貞元十年十二月十二日辰時白日昇

天士女數千人咸共瞻仰須臾五色雲遮亘一川天

樂異香散漫刺史李堅表聞詔褒美之百帖謝自然
女道士也果州人居大方山頂常誦道德經黃庭內
編于開元親授紫虛寶經于金泉山一十三年晝夜
不寐兩膝上忽有印四孺若朱有古篆六字粲如白
玉忽于金泉道場有雲氣
遮匝一山散漫彌久仙去

果州南充縣寒女謝自然童騃

音呆

無所識但聞有神仙輕身

學其術乃在金泉山繁華榮慕絕父母慈愛捐凝心感魑

丑知

切魅

音嬌

恍惚難具言一朝坐空室雲霧生其閒如聆笙竽韻

來自冥冥天白日變幽晦蕭蕭風景寒簷楹暫明滅五色光

屬

之欲切

聯觀者徒傾駭躑躅

音擲蜀

詎敢前須臾自輕舉飄若

風中烟茫茫八紘

音宏

大影響無由緣里胥上其事郡守驚且

歎

平聲

驅車領官吏忙

同氓

俗爭相先入門無所見冠屨同蛻

音脫

蟬皆云神仙事灼灼信可傳余聞古夏后象物知神姦山林

民可入翹翹

音罔兩

莫逢旃逶迤不復振後世恣欺謾

音幽明變

紛雜亂人鬼更相殘秦皇雖篤好漢武洪其源自從二主來
此禍竟連連木石生怪變狐狸騁妖患莫能盡性命安得更
長延八生處萬類知識最為賢奈何不自信反欲從物遷往
者不可悔孤魂抱深冤來者猶可誠余言豈空文人生有常
理男女各有倫寒衣及饑食在紡績耕耘下以保子孫上以
奉君親苟異于此道皆為棄其身噫乎彼寒女永託異物羣
感傷遂成詩昧者宜書紳

果州南充縣

舊唐書地理志果州隋巴西郡之南充縣武德四年割隆州之南充相如二縣置因果山

為名天寶元年為南充郡乾元元童驤廣雅釋詁慈愛捐

年復為果州領南充縣屬劍南道謝靈運墨隆法師誄母氏驚其心姊弟申其操凝心齊書

遂相許諾出家求道終古思愛于今化別矣非豕閒樹下之節雲霧生郭璞遊仙詩雲生梁棟閒風出

雲徘徊檐戶之內傾駭史記大宛傳令外國客徧觀各倉

又有香氣馨聲輕舉屈原遠遊悲時俗之迫八紘淮南子墜形訓九州之

輕舉阮今願輕舉而遠逝八紘淮南子墜形訓九州之

八無由緣曹植與吳質書天亡俗南史王訓傳訓作詩云

俗又虞玩之傳蛻蟬王褒九懷濟江海兮蛻蟬神仙傳王

自項毗代巧偽蛻蟬方平過吳教蔡經屍解經入室以被

自覆忽然失之視其被內象物左傳鑄鼎象物秦皇漢武

惟有皮頭足具如蟬蛻也象物使民知神姦秦皇漢武

沈約遊道士館詩秦皇御宇宙漢帝連連莊子駢拇篇又

恢武功寧為心好道直由意無窮連連吳連連如膠漆

纏索木石魯語孔子曰木石狐狸晉書郭璞傳暨陽人任谷

索之怪曰夔魍魎因耕息於樹下忽有一人

著羽衣就淫之谷遂有娠將產羽衣人復來以刀穿其陰
 下出一蛇子便去遂成宦者諸闕上書自云有道術帝留
 谷於宮中璞上疏曰任谷所言妖異無有因由臣愚以為
 陰陽陶蒸變化萬端亦是狐狸魍魎憑陵作慝願採臣言
 即特遣空文功亦非徒陳空文而已盡性命
書君陳因物有遷齊語其棄身
心安焉不見異物而遷焉恍忽飄飄棄其
 身

華山女

此詩事無可考姑以類附

街東街西講佛經撞鐘吹螺開宮庭廣張罪福資誘脅聽衆
 狎恰排浮萍黃衣道士亦講說座下寥落如明星華山女兒
 家奉道欲驅異教歸仙靈洗粧拭面著冠帔坡義切白咽音紅
 頰長眉青遂來昇座演真訣觀音門不許人開局不知誰人

暗相報會

音轟

然振動如雷霆埽除衆寺人跡絕驂騑塞路連

輜

楚持切

駟

音餅

觀中人滿坐觀外後至無地無由聽抽釵脫劍

穿去聲

解環佩堆金疊玉光青熒天門貴人傳詔召六宮願識

師顏形玉皇領

胡威切

首許歸去乘龍駕鶴來青冥豪家少年

豈知道來繞百市

子答切

腳不停雲窗霧閣事恍惚重重翠幔

深金井仙梯難拔俗緣重浪憑青鳥通丁寧

佛經

魏書釋老志劉歆著七畧班固志藝文釋氏之學所未曾紀哀帝元壽元年博士弟子秦景憲受大月氏

王使伊存口授浮屠經中土聞之未之信了也後漢明帝遣郎中蔡愔博士弟子秦景等使於天竺寫浮屠遺範惜仍與沙門攝摩騰竺法蘭東還洛陽得佛經四十二章隋書經籍志佛經者西域天竺迦維衛國淨飯王太子釋迦

牟尼撞鐘

左傳撞鐘舞女

吹螺

南史婆利國傳其導從吹螺擊鼓法顯佛國記那竭國有精舍每日

出則登高樓擊大鼓吹螺敲銅鈸

記人死有罪福李邕晉光寺碑構甲合方云狎恰唐人語

之者罪花雕落信之者福種萌生才小

唐六典凡道士女道士衣服皆

魚竹似非是
鮑照詩
吉
劉熙釋名
支支上支之
支黃緇之色

仙靈友事山靈帔靈照和名物也程大昌演繁露專睿宗召用馬永貞

道遂賜絳刀曰易林菁井白土司馬目如土木梁

霞紅帳
咽我俱
長眉
長眉連娟
昇座

武帝紀高祖升法座爲四部衆說大涅槃經
隋書

義北史劉焯傳每昇座論難鋒起皆不能屈真訪籍志陶

樓觀本記周穆王尚神仙因尹真

證古有神仙之事 齊人草制樓觀遂召幽逸之人置爲

通士唐六典凡天下觀總一千六百八十七所一千一百

三十一所遠士五百五十所女遁士每觀觀主一人上座

齋
人
高
魏
都
試
肅
肅
皆
闕
重
禁
門
再
局
左
惡
旬
張
衡
東
京
賦
考
震
八
平

詩常武如雷如王陽天子傳天子命駕八

如雷震霆
霆徐方震驚
駢駢之乘右服駢留而左

卷之六

綠輜軒劉熙釋名有邸曰輜無邸曰軒後漢書袁紹傳輜軒柴轂填接街陌神仙傳采女少得道殷王奉事

之於掖庭為立華屋紫閣飾以金石乃令采女乘輜軒往問道於彭祖抽釵脫釧釋寶月詩

釵系簡文帝詩開函脫寶釧南史扶南國傳簡文帝設無礙大會王后妃主百姓富室所捨金銀環釧等珠寶充積

解環佩列女傳衛姬脫簪珥解環佩青熒楊雀羽獵賦玉石簪峯眩天曜青熒善注青熒光明貌

門屈原九歌廣開今天門六宮禮記昏義古者天子后立六宮顏形起今毀顏形領

首左傳逆於門者領之而已乘龍駕鶴莊子逍遙遊藐姑射之山有神人居焉乘雲氣馭飛龍何劬遊

仙詩連翩青冥屈原九章據青冥而攬虹豪家梁簡文帝七勵五陵金穴六郡豪家雲窗

霧閣後漢書梁冀傳窗牖皆有綺疏青瑣圖以雲氣仙靈揚雄甘泉賦乘雲閣而上下金屏傅綽

帳金屏青鳥西山經三危之山三青鳥居之郭璞曰三青鳥主為西王母取食者

按捫靈新話退之嘗有詩云我能屈曲自世間安能從汝

巢神山故作謝自然誰氏子等詩尤為切齒然於華山女

詩乃獨假借末句云仙梯難攀俗緣重浪憑青鳥通丁寧
與記夢詩語便不同不知何以得此也此說甚非所謂以
詞害意也朱子曰或怪公排斥佛老不遺餘力而於華山
女獨假借如此非也此正譏其街姿色假仙靈以惑衆又
譏時君不察使失行婦人得入宮禁耳觀其卒章豪家少
年雲窗霧閣翠幔金屏青鳥丁寧等語褻慢甚矣豈真以
神仙處之或
是爲得之

馬厭穀

劉向新序燕相得罪將出召門下諸大夫曰

有能從我出者乎三問莫對燕相曰嘻亦士
之不足養也大夫有進者曰凶年饑歲士糟粕不厭
而君之犬馬有餘穀粟隆冬烈寒士裋褐不完而君
之臺觀悻悻錦繡飄飄而弊財者君之所輕死者士
之所重君不能施君之所輕而求得士之所重不亦
難乎

馬厭穀兮士不厭糠粃土被文繡兮士無裋褐彼其得志兮
不我虞一朝失志兮其何如已焉哉嗟嗟乎鄙夫

糠粃

史記陳丞相世家人或謂陳平曰貧何食而肥若是其嫂嫉平之不視家生產曰亦食糠覈耳徐廣曰覈

音核

孟康曰麥糠中不破者也

土被文繡

前漢書賈誼傳庶民墻屋被文繡三輔黃圖木衣綿繡土被朱

紫

裋褐

列子力命篇衣則裋褐食則糲糲前漢書賈誼傳貧者裋褐不完師古注裋布長襦也褐編臬衣也

失志

揚雄逐貧賦惆悵失志

按此三上宰相書不報時作全用燕相語事左傳季文子相君三世妾不衣帛馬不食粟皆命意所在下苦寒歌同

苦寒歌

黃昏苦寒歌夜半不能休豈不有陽春節歲聿其周君何愛

重裘兼味養大賢冰食葛製神所憐填窗塞戶慎勿出暄風

暖景明年日

黃昏

屈原九章昔君與我成言兮曰黃昏以爲期淮南天文訓薄於虞淵是謂黃昏

夜半

寧戚飯牛歌從

昏飯牛宋玉九辨無衣裘以御冬今陽春恐遠死而不得見乎陽春重裘魏志王昶傳救寒無

若重穀梁傳君兼味食不兼味大賢易鼎卦大烹冰食魏武帝苦寒行斧冰持作

康葛製南史任昉傳昉子西暄風王融詩暄風多有

長安交遊者一首贈孟郊新唐書孟郊傳郊字東野湖州武康人少隱嵩山性

介少諧合韓愈一見為忘形交按公撰貞曜先生墓誌云年幾五十始以尊夫人之命來集京師從進士

試此蓋相遇於長安而作也

長安交遊者貧富各有徒親朋相遇時亦各有以娛陋室有

文史高門有笙竽何能辨榮悴且欲分賢愚

文史晉書張華傳家無餘財惟有文史高門史記駢輿傳齊王為開第康莊之衢高門大屋尊寵之

笙竽左思詩南鄰擊鐘榮悴潘岳閑居賦雖末士之磬北里吹笙竽

按郊集有長安羈旅行云十日一理髮每梳飛旅塵三旬
九過飲每食惟舊貧失名誰肯訪得意爭相親又長安道
云家家朱門開得見不可入高閭何人家笙簧正喧吸此
詩云貧富各有徒蓋以郊有怨誹之言故以此廣其意

孟生詩

云登科記東野及第在貞元十二年此詩以其下第送之謁張建封於徐也貞元四年

建封鎮徐州李習之嘗以書薦東野有曰郊將爲他人所得而大有立於世與其短命而死皆不可知二者將有一於郊他日爲執事惜之

孟生江海士古貌又古心嘗讀古人書謂言古猶今作詩三

百首宵

音

默咸池音騎驢到京國欲和去聲薰風琴豈識天子

居九重鬱沉沉一門百夫守無籍不可尋晶光蕩相射旗戟
翻以森遷延乍卻走驚怪靡自任舉頭看白日泣涕下沾襟
竭來遊公卿莫肯低華簪諒非軒冕族應對多差參萍蓬風

波急桑榆日月侵奈何從進士此路轉嶮欽音區異質忌處

羣孤芳難寄林誰憐松桂性競愛桃李陰朝悲辭樹葉夕感

歸巢禽顧我多慷慨窮簷時見臨清宵靜相對髮白聆苦吟

採蘭起幽念眇然望東南秦吳修且阻兩地無數金我論徐

方牧好古天下欽竹實鳳所食德馨神所歆求觀衆邱小必

上泰山岑求觀衆流細必泛滄溟深子其聽我言可以當所

箴既獲則思返無爲久滯淫卞和試三獻期子在秋碁

江海士

莊子刻意篇就藪澤處閑曠此江海之士避世之人閑暇者之所好也

古心

按郊詩有云詩

老夫古心至今寒

古猶今

列子揚朱篇五情好惡古猶今也四體安危古猶今也世事苦

繁古猶今也變易治亂古猶今也韓詩外傳聖人以已度人者也以情度情以類度類古今一也

咸池

記樂

記大章章之也咸池備矣屈原遠遊騎驢後漢書向栩傳

張樂咸池奏承雲兮注咸池堯樂騎驢少為諸生卓詭

不倫或騎京國江淹詩辨詩測京薰風琴家語舜彈五絃

薰兮可以解沉沉史記陳涉世家涉之為王沉沉百夫書

吾民之愠兮者應劭曰沉沉官室深邃之貌百夫牧

誓千夫長無籍古今注籍者尺二竹牒記人之年名字物

百夫長色懸之官門案省相應乃得入焉三輔黃

圖官之門閣有禁非侍衛通籍之臣不得妄入新唐書百

官志司門郎中員外郎掌門關出入之籍凡有名者降墨

勅勘銅魚墨晶光玉篇晶精光也自任蔡邕九惟文居處

契然後入廣韻晶光也自任浮剎無以自任

華簪陶潛詩聊軒冕莊子繕性篇不差參藝苑雌黃古詩

倒而理無害者如退之以參差為差參以璵璠為璵璠是

也漢臯詩詰韓愈孟郊輩才豪故有湘江白紅慨慷之句

後人亦難仿效顧嗣立引胡渭云漢書揚雄傳和氏璵璠

與清傾嚳嬰成為韻文選左思雜詩歲莫常慨慷與霜明

光朔堂為韻是璵璠慷慨前古已有顛倒押韻者非創自

公也按地天坤乾古已然矣元和詩人皆好顛倒如盧仝

佳雨堂

有榆柳白居易有摩揣大抵兩萍蓬潘岳西征賦飄萍浮而蓬轉桑榆

淮南天文訓曰西垂景在樹端謂之桑侵范蔚宗詩年進

榆曹植詩年在桑榆閒影響不能追侵力互頽侵

士李肇國史補進士為時所尚久矣俊又實集其中嶇嶇由此出者終身為聞人故爭名常切而為俗亦弊

王褒洞簫賦嶇嶇嶇嶇孤芳顏延之弔屈原文物窮簷按方

寄善注山險峻之貌孤芳忌孤芳人諱明潔窮簷按方

或作閭考荀子史記子貢傳作閭字為正此說非採蘭東

其所引皆閭閻之窮簷此但謂窮居之屋簷耳秦吳

補亡詩循彼南秦吳梁昭明太子啟暫乖語默頓隔秦吳

陔言採其蘭江淹別賦況秦吳今絕國王云秦長

安吳東修阻蔡琰胡笳十八拍關徐方牧詩常武震驚徐

野所居修阻山阻修今行路難徐方牧方云謂張建

封竹實詩卷阿箋鳳凰非梧泰山滄溟李斯諫逐客書泰

也桐不棲非竹實不食泰山滄溟山不讓黃壤故能

成其大河海不擇細流故能就其深王者不卻滯淫晉語

眾庶故能明其德此為建封喻言容納賢豪也滯淫文公

在翟十二年狐偃曰下和三獻韓子和氏篇楚人和氏得

戾久將底底著滯淫下和三獻玉璞楚山中獻之厲王王

使玉人相之曰石也王以和為誑別左足及武王即位又
賦之玉人又曰石也別其右足及文王即位和乃抱其璞
而哭於楚山三日三夜王使玉人理其璞而得寶焉遂命曰和氏之璧
秋碁試期也律字與此碁字皆便文

利劍曹植詩利劍不在掌結友何須多

利劍光耿耿佩之使我無邪心故人念我無徒侶持用贈我
比知音我心如冰劍如雪不能刺讒夫使我心腐劍鋒折決
雲中斷開青天噫劍與我俱變化歸黃泉

耿耿宋玉大言賦長無邪心越絕書寶劍篇一曰湛盧二

五曰巨闕古今注吳大無徒侶前漢書東方朔傳今世之

帝有寶劍六三曰辟邪處士慰然無徒鄭然獨居

何遜詩合知音古詩十九首不惜歌劍如雪魏文帝詩

岸喧徒侶知音者苦但傷知音稀氏寶劍何為

低昂白如積荀卿成相篇心腐史記荆軻傳樊於期

雪利若秋霜揚雄太劔鋒折趙國策馬服君曰吳干之劔決雲

玄其心腐且敗莊子說劔篇變化吳越春秋莫耶曰神化之物須人而成

上決浮雲今吾作劔不變黃泉左傳不及黃

重雲一首李觀疾贈之陶潛詩重雲閉白日

天行失其度陰氣來干陽重雲閉白日炎燠成寒涼小人但

咨怨君子惟憂傷飲食為減少身體豈寧康此志誠足貴懼

非職所當藜羹尚如此肉食安可嘗窮冬百草死幽桂乃芬

芳且況天地閒大運自有常勸君善飲食鸞鳳本高翔

天行易乾卦天行健記月令司天日月失度班彪北征賦

星長之行宿離不貸無失經紀

夫何陰晴之

不陽兮嗟久陰氣賈誼旱雲賦陰咨怨書同命夏暑雨寧

康前漢書叙傳職所當張衡同聲歌藜羹莊子讓王篇肉

食左傳曹劌曰肉食者鄙未能遠謀說苑晉獻公之時東

食者尚何與焉對曰設使肉食者一旦失計於廟堂之幽

桂淮南小山招隱詩桂大運史記天官書其鸞鳳廣雅釋

鳳皇屬也埤雅釋鳥說文云鸞赤神高翔賈誼惜誓獨不

靈之精也鳴中五音一曰青鳳為鸞高翔見夫鸞鳳之高

送汴州監軍俱文珍韓云董晉為宣武軍節度使俱

珍將如京師作序並詩以送之序云今天下之鎮陳

留為大其監統中貴必材雄德茂然後為之監軍俱

公輟侍從之榮受腹心之寄遇變出奇先事獨運偃

息談笑危疑以平十三年春將如京師相國隴西公

飲餞於青門之外命其屬咸作詩以鋪繹之

奉使羌池靜臨戎汴水安沖天鵬翅闊報國劒鉞寒曉日驅征騎春風詠采蘭誰言臣子道忠孝兩全難

羌池汴水

新唐書宦者傳劉貞亮本名俱文珍性忠強識義理平涼之盟在渾城軍中會變被執且西俄

而得歸出監宣武軍羌池沖天屈原九歌高鵬翅闊莊子謂在城軍汴水謂在晉軍馳今沖天逍遙

遊鵬之大不知其幾千里也劒鉞寒魏文帝詩越氏鑄忠怒而飛其翼若垂天之雲寶劒出匣吐寒芒

孝漢書王尊傳尊遷益州刺史行部至邛笮九折坂問吏曰此非王陽所畏道耶叱其吏曰驅之王陽為孝子王

尊為忠臣晉書潘京傳京為州所辟謁見問策探得不孝字刺史戲京曰辟士為不孝耶京舉版答曰今為忠臣不

得復為孝子世說桓公入峽歎曰既為忠臣不得復為孝子如何

按此詩不入正集李漢以文珍故為公諱也樊汝霖曾有此說然公奉董晉之命而作序文甚明非出已意況唐書

本傳稱其性忠強識義
理則其人或不必拒

答孟郊

(王云)東野集有汴州別韓愈詩此詩未見贈
荅之旨但名聲暫羶腥句似指郊得第以後

按郊擢第即東歸
此在汴所荅也

規模背時利文字覷

七慮切

天巧人畢餘酒肉子獨不得飽纔

春思已亂始秋悲又攪朝餐動及午夜諷恒至卯名聲暫羶

腥腸肚鎮煎煬古心雖自鞭世路終難拘

於絞切

弱拒喜張臂

猛拏

女加切

閒縮爪見倒誰肯扶從嗔我須敲

五巧切

覷

(廣雅釋詁)
覷視也

餘酒肉

(史記霍去病傳)重車餘棄梁肉而士有飢者

春思亂

(鮑照詩)秋

心不可盪春

攪

(詩)何人斯

夜諷

(吳越春秋)越王朝書不倦晦誦竟夜

羶腥

(莊子)

徐無鬼篇)蟻慕羊肉羊肉

腸肚

(釋名)腸暢也通暢胃氣去滓穢也(廣韻)肚腹肚煎

燭廣雅釋詁煎燭曝也爾雅釋鞭云鞭字蓋用莊拘張

渾天儀拘縮古諺將奮者足誰扶論墜顛而賈誼論積

去其半而敵其骨說文敵醫骨也

古風宋云安史亂後方鎮相望於內地大者連州十

廷不貢往往而下三四兵驕則逐帥帥強則叛上不
宗之世與烽火詩意相表裏云顧嗣立曰胡渭云幸
時不用兵此必貞元十四年以前作十五
年則吳少誠反而大發諸道兵以討之矣

今日曷不樂幸時不用兵無曰既感矣乃尚可以生彼州之

賦去汝不顧此州之役去我奚適一邑之水可走而違天下

湯湯音商曷其而歸好我衣服甘我飲食無念百年聊樂一日

覺詩節南山我瞻四去汝詩碩鼠逝將去違論語棄而違

方覺覺靡所騁汝適彼樂上之違避去也

湯湯

書堯典湯湯洪水方割

曷其而歸

書五子之歌嗚呼曷歸予懷之悲

聊樂一日

詩山樞且以喜樂且以永日

天星送楊凝郎中賀正

新唐書楊凝傳凝字懋功宏農人遷右司郎中宣武董晉

表為判官晉卒亂作凝走還京師闔門三年拜兵部郎中以痼疾卒云公時與同佐董晉幕凝自汴朝

正於京以詩送時貞

元十四年十二月

天星牢落難喔咿

音握伊

僕夫起餐車載脂正當窮冬寒未已

借問君子行安之會朝元正無不至受命上宰須及期待從

近臣有虛位公今此去歸何時

牢落

司馬相如上林賦牢落陸離爛熳遠遷

喔咿

屈原卜居喔咿嚅唳李白雉子班曲喔咿振迅欲飛

鳴

僕夫

詩出車召彼僕夫謂之載矣

載脂

詩泉水載脂載牽還車言邁

會朝元正

傳休

奕朝會賦采秦漢之舊儀肇元正之嘉會新唐書禮樂志
皇帝元正受羣臣朝賀而會前一日有司設羣官客使等
次於東西朝堂又上宰謝靈運詩上虛位任昉為蕭揚州
設諸州朝集使位上宰奉皇靈進士表養素邱
園台階虛位

忽忽

明漢書司馬遷傳居則忽忽若有所亡王褒傳

苦忽忽善忘不樂按舊唐書董晉傳行軍司馬
陸長源好更張云為務從刻削判官孟叔度輕佻好
慢易軍人皆惡之晉卒後未十日汴州大亂殺長源
叔度等此詩作於晉未死之前蓋逆知亂本之已成
而義不可去故其自憂如此以下諸詩皆貞元十五
年作

忽忽乎余未知生之為樂也願脫去而無因安得長翮音大
翼如雲生我身乘風振奮出六合絕浮塵死生哀樂兩相棄
是非得失付閑人

長翮大翼

晉書陶侃傳侃夢生八翼飛而上天述異記王次仲變蒼頡書為隸書秦始皇遣使徵之不至

始皇怒檻車囚之路次化為大鳥出車飛去至西山乃落二翮一大一小遂名其落處為大小翮山如雲莊

逍遙遊怒而飛其乘風南史宗慤傳叔父少文問其所志荅曰願乘長風破萬里浪振

奮司馬相如上林賦振鱗奮翼

六合

莊子齊物論六合之外聖人存而不論史記司馬相如傳六合之內

八方是非得失

阮籍詩是非得失閒焉足相譏理

汴州亂

王云汴州自大歷後多兵董晉卒行軍司馬陸長源總留後事八日而軍亂殺長源等監

軍俱文珍密召宋州刺史劉逸準使總後務朝廷從之賜名全諒公是時已從晉喪出汴四日實貞元十

五年二詩蓋譏德宗姑息之政云

汴州城門朝不開天狗墮地聲如雷健兒爭誇殺留後連屋

累棟燒成灰諸侯咫尺不能救孤士何者自興哀

天狗史記天官書天狗狀如犬奔星有聲其下止地類狗所墮其地方千里破軍殺將又吳楚七國叛逆彗星

數丈天狗聲如雷後漢書天文志大流星如缶有聲隱隱如雷者兵將怒之徵也健兒

府折楊柳歌辭健兒須快馬快馬須健兒唐六典兵部郎中條下云天下諸軍有健兒注舊健兒在軍皆有年限更

來往開元二十五年勅自今以後諸軍鎮置兵防健兒於諸色征行人內及客戶中召募取丁壯情願健兒長住邊

軍者每年加常例給賜

母從子走者為誰大夫夫人留後兒昨日乘車騎大馬坐者

起趨乘者下廟堂不肯用于戈嗚呼奈汝母子何

大馬莊子讓王篇子貢乘大馬軒車不容巷鐵論當路於世者高堂邃宇安車大馬坐者起乘

者下古今注兩漢京兆河南尹及執金吾司隸校尉皆使人導引傳呼使行者止坐者起

贈河陽李大夫按舊注謂李大夫是李芄此詩乃大歷十四年隨嫂歸河陽時作時年十

二引公自言十三能文為証穿鑿附會其說難通據此日足可惜詩假道經盟津主人願少留云云與詩語無不脗合舊唐書德宗紀貞元十五年三月以河陽三城節度使李元為昭義節度使則汴州亂時元正為河陽此詩乃贈元之作無疑

四海失巢穴兩都因塵埃感恩猶作未報惆悵空一來衰破

氣不暖馬羸鳴且哀主人情更重空使劍鋒摧

巢穴

後漢書龐公傳鴻鵠巢於高林之上暮而得所棲黿鼉穴於深淵之下夕而得所宿夫取舍行止亦人之

巢穴

按班固有兩都賦鮑照詩備聞十帝事委曲兩都情新唐書地理志上都初曰京城天寶元年

曰西京至德三載曰中京上元二年復曰西京肅宗元年曰上都顯慶二年曰東都光宅元年曰神都神龍元年復

曰東都天寶元年曰東京上元二年復為東都塵埃屈原漁父篇安能以皓皓之白而蒙世俗

之塵埃乎未報前漢書劉向傳況重以骨肉馬羸古樂府幽州客吟歌辭

黃禾起
羸馬

此日足可惜一首贈張籍

按舊唐書張籍傳貞元中登進士第性詭激能為古

體詩有警策之句傳於時調補太常寺太祝轉國子助教秘書郎以詩名當代公卿如裴度令狐楚才名如白居易元微之皆與之遊而韓愈尤重之累授國子博士水部員外郎轉水部郎中卒世謂之張水部云又按新唐書張籍傳籍字文昌和州烏江人仕終國子司業舊書云卒於水部非也又按唐中書舍人張洎編次司業集云蘇州吳人貞元十五年渤海公下及第與韓集中吳郡張籍之說合則又非和州人也云籍常為公所薦送貞元十五年公時在徐籍往謁公未幾辭去公惜別故作是詩以送之以下皆在徐州作

此日足可惜此酒不足嘗捨酒去相語共分一日光念昔未知子孟君自南方自矜有所得言子有文章我名屬相府欲

往不得行思之不可見百端在中腸維時月魄死冬日朝在
房驅馳公事退聞子適及城命車載之至引坐於中堂開懷
聽其說往往副所望孔邱歿已遠仁義路久荒紛紛百家起
詭怪相披猖長老守所聞後生習爲常少知誠難得純粹古
已亡譬彼植園木有根易爲長留之不遣去館置城西旁歲
時未云幾浩浩觀湖江衆夫指之笑謂我知不明兒童畏雷
電魚鰲驚夜光州家舉進士選試謬所當馳辭對我策章句
何煒煌相公朝服立工席歌鹿鳴禮終樂亦闋音缺相拜送於
庭之子去須臾赫赫流盛名竊喜復竊歎諒知有所成人事
安可恒奄忽令我傷聞子高第日正從相公喪哀情逢吉語

尚恍難爲雙暮宿偃師西徒展轉在牀夜聞汴州亂遶壁行
徬徨我時留妻子倉卒不及將相見不復期零落甘所丁嬌
女未絕乳念之不能忘忽如在我所耳若聞啼聲中途安得
返一日不可更俄有東來說我家免罹殃乘船下汴水東去
趨彭城從喪朝至洛還走不及停假道經盟津出入行澗岡
日西入軍門羸馬顛且僵主人願少留延入陳壺觴卑賤不
敢辭忽忽心如狂飲食豈知味絲竹徒轟轟平明脫身去決
若驚鳬翔黃昏次汜說文詳里切左傳注音凡水欲過無舟航號呼久乃
至夜濟十里黃中流上灘渾音但沙水不可詳驚波暗合沓星
宿爭翻芒轅馬蹢躅鳴左右泣僕童甲午憇時門臨泉窺鬪

龍東南出陳許陂澤平茫茫道邊草木花紅紫相低昂百里

不逢人角

音谷見集韻

角雄雉鳴行行二月暮乃及徐南疆下馬

步隄岸上船拜吾兄誰云經艱難百口無天殤僕射南陽公
宅我睢水陽篋中有餘衣盎中有餘糧閉門讀書史窗戶忽
已涼日念子來遊子豈知我情別離未爲久辛苦多所經對
食每不飽共言無倦聽連延三十日晨坐達五更我友二三
子宦遊在西京東野窺禹穴李翱觀濤江蕭條千萬里會合
安可逢淮之水舒舒楚山直叢叢子又捨我去我懷焉所窮
男兒不再壯百歲如風狂高爵尚可求無爲守一鄉

孟君

指東野

相府

董晉罷相後爲宣武軍節度表公爲觀察推官故曰名屬相府

月魄死

書武

成惟一月壬辰旁死魄前在房記月令孟冬百家荀卿成

漢書律歷志死魄朔也之月日在房相篇慎

墨季惠百家之說誠不詳莊子天下詭怪何遜詩詭披猖

篇百家往而不返道術將為天下裂詭怪怪終不測披猖

屈原離騷何桀封之昌披南史褚照長老史記五帝本紀

傳彥回少立名行不意披猖至此長老贊長老皆各往

往稱黃帝堯舜之少知賈誼治安策因使少純粹易純粹

處風教固殊焉知治體者得佐下風純粹精也

衆夫後漢書邊讓夜光蔡邕漢津賦明珠胎於靈蚌兮夜

可以鑑謂州家吳志太史慈傳慈仕郡奏曹會郡與州有

之夜光陳州章已去慈晨夜到洛陽取州章截敗

之因通郡章州家更有章不舉進士新唐書選舉志每歲

復見理由是為州家所嫉仲冬州縣館監舉其

成者送之尚書省而舉選不由館學者謂之鄉貢皆懷牒

自列於州縣試已長吏以鄉飲酒禮會屬僚設賓主陳俎

豆備管絃牲用少選試云汴州舉進士公為考對策前

牢歌鹿鳴之詩官試反舌無聲詩籍中等對策漢

書蕭望之傳注師古曰對策者顧問以政章句前漢書揚

事經義令各對之而觀其文辭定高下也章句雄傳雄少

而好學不相公王云指董晉工席儀禮鄉飲酒禮設席於堂廉東上注工布席也樂關

記文王世子有拜送記鄉飲酒義賓盛名李固遺黃瓊書

司告以樂關司拜送出主人拜送盛名盛名之下其實

難高第日史記儒林傳一歲皆輒試其高第可為郎中者

副太常集奏孫云貞元十五年高郢知舉籍登第

是歲二月晉卒漢書陳湯傳不出惆恍屈原遠遊怆

公護其喪行漢書陳湯傳不出惆恍惆恍而永懷

偃師新唐書地理志偃師縣屬河南道按董晉留妻子

本盧鄉人公送喪歸至河中故宿偃師西也

按陳俱云晉薨隨晉喪出四日而汴州詩雲漢耗敦下

亂公家在園中尋得脫下汴東趨彭城丁土寧丁我躬爾

雅釋左思有絕乳古樂府前溪歌彭城新唐書地

丁當也嬌女嬌女詩絕乳寧斷嬌兒乳彭城理志徐州

彭城郡屬河南道孫假道周語定王使單襄公聘於宋遂

云公妻子先往徐州假道于陳以聘于楚左傳華元

曰過我而不盟津史記索隱曰澗岡鮑照詩岡軍門左傳

假道鄙我也盟津澗岡澗近難分軍門晉甲

趙穿當顛且僵左傳杜回躡而顛主人云時李芄為河

軍門呼顛且僵漢書行觸寶瑟僵主人陽節度主人謂芃

易詩集卷之主

雅雨堂

也

絲竹

蘇武詩絲竹厲清聲

北史李元忠

決莊子逍遙遊我決

十里黃

漢書地理志陳留

灘渾

爾雅釋水

河有灘又渾沙

為渾

唐書李光弼傳

河陽有中渾城

地理通釋河陽三

城其中

日中渾黃河

西派貫於三城之閒

秋水汎溢時

南北二

城皆有濡足之

驚波

王粲浮淮賦飛

合沓鮑照詩

患唯中

渾屹然如故

驚波

以高驚

合沓

洞波合

沓

李陵錄別詩

躑躅

易垢卦

甲午

按甲午

呼嘯雲

轅馬

轅馬顧悲鳴

躑躅

豕孚躑躅

甲午

為是年

二月乙

亥朔甲

時門

左傳鄭大水龍闔于時門之

陂澤

詩

午二十

日也

時門

外洧淵注

時門鄭城門也

陂澤

風彼澤

之陂

吾兄

洪云公有三兄皆早世見於集中者

百

傳陂澤障也

傳陂澤

障也

吾兄

雲卿之子俞紆卿之子炭皆公從兄

百

傳陂澤障也

口

列子說符篇利供百口

晉書周顗

南陽公

詳見後詩

傳王導呼顗曰伯仁以百口累卿

睢水陽

祝云公與孟東野書云

主人與余

連延

枚乘七發

睢水陽有故居余於符離睢上即此也

相續貌

延

宦遊

漢書司馬相如傳王吉

禹穴

史記太史公

相續貌

延

宦遊

漢書司馬相如傳王吉

禹穴

史記太史公

相續貌

延

宦遊

漢書司馬相如傳王吉

禹穴

史記太史公

探禹 濤江 即浙江越絕書銀 風狂 方作狂風朱子曰方亦

作風狂語

勢猶健 六一詩話退之工於用韻得韻寬則波瀾橫溢泛入旁韻

卜還乍離出入回合殆不可拘以常格如此日足可惜之

類是也得韻窄則不復旁出而因難見巧愈險愈奇如病

中贈張十八之類是也譬如善馭馬者通衢廣陌縱橫馳

逐惟意所之至於水曲蟻封疾徐中

節而不少蹉跌乃天下之至工也 洪云此詩雜用韻又疊用韻云此詩與元和聖德詩多

從古韻讀者當始終以協聲求之非所謂雜用韻也押二

光字二城字二鳴字二更字二狂字胡仔謂退

之好重疊凡韻以盡已之意蓋不恤其為病也 顧嗣立曰俞琰云古庚陽二韻原自通觀鹿鳴采芑之詩

自見卻非俗說通用轉用之例也其入東韻者桑中之詩

亦然少陵飲中八

仙歌嘗疊用韻

按此篇用韻全以三百篇為法如楚茨濟濟蹌蹌一章蹌

羊嘗亨將祊明皇饗慶疆是庚陽二韻也瞻彼洛矣末章

決同邦是陽東江三韻也鳧驚首章涇寧清馨成是庚青
二韻旁及侵韻也四章激宗降崇是東冬江三韻也諸如
此類不可枚舉此詩用東冬江陽庚青六韻蓋古韻本然
耳至於疊韻亦非始於老杜自老杜以前焦仲卿詩疊用
甚多而亦本於三百篇如七月第五章九月在戶塞向瑾
戶皆韻也伐木首章用兩聲字正月第三章九月在戶塞
猶用疊韻至商頌那一章二十二句而連用三聲字爲韻
烈祖一章二十二句自既載清酤以下亦用庚陽爲韻凡
押二疆字二將字論者讀韓詩則震而驚之讀詩經則習
焉弗察何也又按史記龜策傳乃刑白雉及與驪羊一段
凡二十六韻雜用東江陽庚元寒先真諸部問見錯出如
歐陽子所謂乍離乍合者是此用韻之祖也洪景伯隸續
謂本漢平輿令薛君碑銘亦是但碑爲延熹間文又未必
不因史記至疊用韻焦仲卿詩後又有陳思王棄婦
詞等篇顧寧人日知錄言之然未言三百篇亦疎

贈張徐州莫辭酒

舊唐書張建封傳建封字本立兗州人慷慨負氣以功名爲已任貞

元四年爲徐州刺史徐泗濠節度使十二年加檢校右僕射在彭城十年軍州稱理又禮賢下士文人如

許孟容韓愈
皆為之從事

莫辭酒此會固難同請看工女機上帛半作軍人旗上紅莫
辭酒誰為君王之爪牙春雷三月不作響戰士豈得來還家

爪牙

詩析父予王之爪牙諸葛亮
心書勇悍善敵者為爪牙

按公以二月暮至徐此云春雷三月不作響舊唐書德宗
紀貞元十五年三月甲寅吳少誠寇唐州殺監軍掠居民
千餘而去未聞建封有請
討之舉故以大義動之

齟齬

按舊唐書德宗紀貞元十五年
初七月鄭滑大水公時在徐

齟齬

初六切

當世士所憂在饑寒但見賤者悲不聞貴者歎

平聲

大賢事業異遠抱非俗觀報國心皎潔念時涕沆

音九

瀾妖姬

坐左右柔指發哀彈酒肴雖日陳感激寧為歡秋陰欺白日

泥潦不少乾河隄決東郡老弱隨驚湍天意固有屬誰能詰
其端願辱太守薦得充諫諍官排雲叫闔闔披腹呈琅玕致
君豈無術自進誠獨難

齷齪史記文殖傳當世士漢書司馬遷傳汎瀾馮衍顯志

而雨柔指詩碩人手如柔荑劉哀彈潘岳笙賦輟感激阮籍

詩感激生憂思不少乾宋玉九辨皇天淫溢而秋河隄決東郡史記

河渠書孝文時河決酸棗東潰金隄於是東郡大興卒驚

湍潘岳詩驚諫諍官漢書鮑宣傳何武薦宣為諫大夫叫

閭闔屈原離騷吾令帝閭開關兮倚琅玕書禹貢厥貢

汴泗交流贈張僕射王注貞元十五年公在徐州張

建封募汴水徐之西泗水徐之

南故以名篇云公集有諫張僕射擊毬書此詩云此誠習戰非爲劇豈若安坐行良圖蓋諷之也按張有酬韓校書愈打毬歌即酬此詩

汴泗交流郡城角
築場千步平如削
短垣三面繚逶迤
擊鼓騰騰樹赤旗
新秋朝涼未見日
公早結束來何爲
分曹決勝約前定
百馬攢蹄近相映
毬驚杖奮合且離
紅牛纓紱音黃
金羈側身轉臂著
馬腹霹靂應手神
珠馳超遙散漫兩
閑暇揮霍紛紜爭
變化發難得巧意
氣羸呼官切謹聲四合壯士呼
此誠習戰非爲劇
豈若安坐行良圖
當今忠臣不可得
公馬莫走須殺賊

築場

詩七月九月築場圃此但築馳場也

短垣

吳語君有短垣而自踰之

樹赤旗

新唐書禮樂志

凡講武擊鼓舉結束古詩十九首分曹宋玉招魂分曹黃

赤旗為銳陣何為自結束金羈吳筠詩白側身轉臂顧嗣立曰按曹子建白馬篇仰

馬脫轡頭手中挑青絲捷下萬馬腹左傳伯宗曰雖鞭

仞岡俯身試褰旗詩意本此馬腹之長不及馬腹霹

靈南史曹宗傳昔在鄉里騎快馬如神珠王邕內人

似起遙宋玉九辨超道遙今今馬散漫謝惠連雪賦其為

揮霍張衡西京賦跳丸劍之揮霍曹發難得巧顧嗣立曰

即雉帶箭所謂將軍欲以巧伏人盤馬彎弓惜不

發是也舊注難作去聲引張良發八難解大謬

按擊毬亦武事之一劉向別錄覽覽兵勢所以陳武事也

唐時有毬場憲宗嘗問趙宗儒人言卿在荊州毬場草主

何也此蓋問其軍政不修宗儒不知對曰死罪有之雖然

草生不妨毬子往來上為之啓齒此唐時武場擊毬之明

証也此詩規之似失事宜但此時吳少誠已阻朝命則講

武者不止於此故末有殺賊之語若後來裴度平蔡則贈

詩勸其鐘鼓
亦清時矣

雉帶箭王云此詩公佐張僕射於徐從獵而作

原頭火燒靜兀兀野雉畏鷹出復沒將軍欲以巧伏人盤馬
彎弓惜不發地形漸窄觀者多雉驚弓滿勁箭加衝人決起
百餘尺紅翎白鏃隨傾斜將軍仰笑軍吏賀五色離披馬前
墮

火燒

世說顧愷之曰火燒平尔無遺燎

出復沒

梁武帝詩出沒看飛翼方本作伏欲沒朱子曰雉出

復沒而射者彎弓不肯輕發正是形容持滿命中之巧毫釐不差處改作伏欲神采索然矣

盤馬

鄧粲晉記

王湛就蟻封盤馬世說杜預之荊州朝士悉祖揚濟不坐而去和長輿曰必大夏門下盤馬往大夏門果大閱騎

彎弓

阮籍詩彎弓掛扶桑長劍倚天外

勁箭

司馬相如子虛賦左烏號之彫弓右夏服之勁箭

加

詩弋言加之子虛決起莊子逍遙遊蜩與鸞鳩笑仰笑楚

策楚王遊於雲夢有狂兕躐車依輪而至王親引弓而射

也發而殪王抽旃旄抑兕首仰天而笑曰樂矣今日之遊

五色爾雅釋鳥雉五采

皆備成章曰翬離披宋玉九辨奄離披此

嗟哉董生行

王云董召南壽州安豐人公嘗有送董

志於有司而此詩叙其孝且慈如此按送董召南序

當在憲宗之世故云明天子在上凡昔時屠狗者皆

可出而仕矣此詩云刺史不能薦天子不聞名聲在

董生未應舉之時大抵徐州所作徐與壽相近故稔

聞其行義如此狗乳一段即公

文中記北平王家猫相乳之意

淮水出桐柏山東馳遙遙千里不能休淝水出其側不能千

里百里入淮流壽州屬縣有安豐唐貞元時縣人董生召南

隱居行義於其中刺史不能薦天子不聞名聲爵祿不及門

門外惟有吏日來徵租更索錢嗟哉董生朝出耕夜歸讀古
人書盡日不得息或山而樵或水而漁入廚具甘旨上堂問
起居父母不感感妻子不咨咨嗟哉董生孝且慈人不識惟
有天翁知生祥下瑞無休期家有狗乳去聲出求食雞來哺薄故
切其兒啄啄庭中拾蟲蟻哺之不食鳴聲悲傍徨躑躅久不
去以翼來覆待狗歸嗟哉董生誰將與儔時之人夫妻相虐
兄弟為讎食君之祿而令父母愁亦獨何心嗟哉董生無與
儔

桐柏山

書禹貢導淮自桐柏注桐柏山在淮揚之東水遙經淮水出淮陽平氏縣胎簪山東北過桐柏山

遙

左傳童謠曰遠哉遙遙

肥水

水經肥水出九江成德縣廣陽鄉西北入于淮

壽州

新唐書地理志

壽州壽春郡本淮南郡天寶元年更名領安豐新唐書地理志安豐

縣五壽春安豐盛唐霍邱霍山屬淮南道

緊武德七年省小刺史後漢書百官志外十有二問起居

黃肥陵二縣入焉刺史州每州刺史一人六百石

按此三字雖出後漢書岑彭傳而問父母者則自文王世

子雞初鳴至寢門外問內豎今日安否何如云云與晨昏

定省者同其時無起居甘旨記內則慈不感感漢書揚雄

字而起居之義具在以旨甘

於貧狗乳北史孝義傳郭世雋家門雍睦七世同居書

賤狗乳犬豕同乳烏鵲同巢時人以爲義感之應哺書

東方朔傳聲警蟲蟻史記五帝本紀淳化鳥獸蟲傍徨李

警者鳥哺蟻也史記正義曰城魚起反蚍蜉也

錄別詩寒裳路臨翼覆詩生民鳥無與儔朱子曰上句誰

騎傍徨不能歸覆翼之

之之詞也此句云無與

儔答而決之之詞也

按雞狗一段形容物類相感其說理本易中孚信及豚魚

其行文設色又用史法李廣射虎蘇武牧牝細碎事極爲

鋪張此所謂人所應有我不必有人所應無我不必無也

然其實總在三百篇如我徂東山歎卹士卒三年未歸者

正言不過一二而瓜敦耀耀鵲垓鹿場媿媿言
漢樂府猶得此法如上留田之瓜蒂是也

鳴雁

王云公在徐州與孟東野書有曰去年脫汴州之亂遂來於此主人與余有故居余符離隰上

及秋將辭去云云主人謂建封公在徐不得志見於書與詩者如此按十五年秋欲去而被留以職事然去志已決明年夏即去徐居洛不待秋矣

嗷嗷鳴雁鳴且飛窮秋南去春北歸去寒就暖識所依天長

地闊棲息稀風霜酸苦稻梁微毛羽摧落身不肥徘徊反顧

羣侶違哀鳴欲下舟渚非江南水闊朝雲多草長沙軟無網

羅閑飛靜集鳴相和違憂懷惠性匪他凌風一舉君謂何

嗷嗷

詩鴻雁章鴻雁于飛哀鳴嗷嗷

鳴雁

詩離離

窮秋

鮑照詩窮秋九月荷葉黃北風驅雁

天雨

秋南春北

管子桓公曰鴻雁春秋而秋南不失其時

風霜

鮑照代鳴雁行辛苦風霜亦何

為稻梁

韓詩外傳田饒謂魯哀公曰黃鸝止君園池啄君稻梁劉峻廣絕交論分雁鶩之稻梁毛羽

摧落

古樂府豔歌何嘗行吾徘徊蘇武詩黃鸝一遠欲負汝去毛羽何摧頽反顧

屈原遠遊乘

羣侶

豔歌何嘗行洲渚屈原九章望

閒維以反

凌風楚國策奮其六一舉史記留侯世家上

飛畏網羅

翻而凌清風一舉歌曰鴻鵠高飛一

舉千

驚驥

唐本有贈歐陽詹字或作驚驥吟示歐陽詹

詹字行周泉州晉江人舉進士與韓愈李觀李絳崔羣王涯馮宿庾承宣聯第皆天下選與愈友善詹先

為國子監四門助教率其徒伏闕下舉愈博士卒年四十餘按公為歐陽生哀辭云十五年冬余以徐州

從事朝正於京師詹將舉余為博士不果上

驚駘

音渥市者何其稠力小苦易制價微良易酬

渴飲一斗水飢食一束芻嘶鳴當大路志氣若有餘
騏驥生絕域自矜無匹儔牽驅入市門行者不爲留
借問價幾何黃金比嵩邱借問行幾何咫尺視九州
飢食玉山禾渴飲醴泉流問誰能爲御曠世不可求
惟昔穆天子乘之極遐遊王良執其轡造父挾其輶
因言天外事茫一作恍或作荒方云詹集作恍古恍與茫通
惚使人愁騑駼謂騏驥餓死余爾羞有能必見用
有德必見收孰云時與命通塞皆自由騏驥不敢言
低徊但垂頭人皆劣騏驥共以騑駼優喟余獨興歎
才命不同謀寄詩同心子爲我商聲謳

騑駼

宋玉九辨

卻騑驥而不乘兮策騑駼而取

騑駼

司馬路相馬經凡相馬之法先除三歲五騑

持委瑣難蜀父老豈一斗水莊子外物篇君豈有一束芻詩白駒

東騏驎屈原卜居寧與騏驎亢絕域李陵答蘇武書出征絕域匹儔古

府傷歌行悲市門齊國策蘇代說淳于髡曰人有駿馬欲

言古今注闕市門也嵩邱潘岳懷舊賦前瞻玉山禾西山經玉

垣也闕市門也嵩邱太室旁眺嵩邱玉山禾西山經玉

母所居也又海內西經昆侖之墟高萬仞醴泉記禮運天

上有木禾長五尋大五圍注木禾穀類也醴泉降膏露地

出醴泉白虎通醴穆天子史記秦本紀周穆王得驥溫驥

泉者美泉狀如醴歸裴駟曰郭璞紀年穆王十七王良韓子王良佐轡則身

年西征於昆侖邱見西王母王良不勞而易及輕獸則身

晏曰王良造父屈原九章勒騏驎而更駕兮造父為我操

郵無郵也造父之史記秦本紀造父以善御幸於周繆王

繆王以趙挾輶左傳穎考叔挾輶以天外事楊雄羽獵賦

城封造父走杜預曰輶車輶也天外事木仆山還漫

石天外拾遺記始皇好神仙之事有宛渠之民乘螺舟而

至曰臣少時躡虛卻行日遊萬里及其老也坐見天地之

外茫惚司馬相如上林賦茫茫恍忽淮南原道訓昔者馮夷大丙之御也乘雲車入雲蜺游微霧驚恍忽朱

子曰古書如荒忽茫忽之通塞易節卦不出戶庭知通塞也垂頭鹽鐵類皆一字也意義多相近

騏驎負鹽車垂頭同心易繫辭二人同心其利斷金商聲謳莊子讓王篇曾子曳綆而

歌商頌聲滿天地若出金石

贈族姪上或有徐州字

我年十八九壯氣起胸中作書獻雲閣辭家逐秋蓬歲時易
遷次身命多厄窮一名雖云就片祿不足充今者復何事卑
棲寄徐戎蕭條資用盡瀟落門巷空朝眠未能起遠懷方鬱
悵擊門者誰子問言乃吾宗自云有奇術探妙知天工既往
悵何及將來喜還通期我語非佞當爲佐時雍

按某注藍關詩謬引此詩以作証佐於第十卷中既嘗辨之矣此詩更與藍關之事無涉探妙知天工者不過如星士之言故云既往悵何及將來喜還通也詞淺意陋或非公作

河之水二首寄子姪老成

韓滂墓志云滂祖諱介一命率府軍佐以卒二子百

川老成老成爲伯父起居舍人會後未仕而死有二子曰湘滂按祭十二郎文云吾佐董丞相於汴州汝來省吾止一歲請歸取其孥明年丞相薨吾去汴州汝不果來是年吾佐戎徐州使取汝始行吾又罷去汝又不果來十二年郎即老成也取孥之行在十四年至十六年春則三年不見矣我祖京師不遠其還謂朝正畢即歸也此乃自京寄懷之作

河之水去悠悠我不如水東流我有孤姪在海陬

音

三年不

見今使我生憂日復日夜復夜三年不見汝使我鬢髮未老而先化

東流

蔡琰胡笳十八拍河水東流今心是思十六國春秋隴上壯士歌西流之水東流河一去不還奈子何

阪

說文阪阪隅也

河之水悠悠去我不如水東注我有孤姪在海浦三年不見

今使我心苦采蕨於山緡

音民

魚於洲我徂京師不遠其還

東注

詩有聲豐浦水東注

廣韻風土記大水浦有小口別通曰浦

采蕨

詩草蟲陟彼南山言采其蕨

緡魚

詩何彼穠矣其釣維何維絲伊緡六韜緡隆餌重則嘉魚食之緡網餌芳則庸魚食之

我徂京

師

公羊傳京師者何天子之居必以衆大之辭言之師者何次也天子之居必以衆大之辭言之

歸彭城

王云公作歐陽詹哀詞云貞元十五年冬余為徐州從事朝正於京師而此詩曰歸彭城

則明年自京歸徐也

天下兵又動太平竟何時訐謨者誰子無乃失所宜前年關

中旱閭井多死饑去歲東郡水生民爲流屍上天不虛應禍
福各有隨我欲進短策無由至彤墀剗肝以爲紙瀝血以書

辭上言陳堯舜下言引龍夔言詞多感激文字少威嚴

音威綾

一讀已自怪再尋良自疑食芹雖云美獻御固已癡緘封在
骨髓耿耿空自奇昨者到京師屢陪高車馳周行多俊異議
論無瑕疵見待頗異禮未能去毛皮到口不敢吐徐徐俟其
蟻音義歸來戎馬閒驚顧似羈雌連日或不語終朝見相欺乘
閑輟騎馬茫茫詣空陂遇酒即酩酊君知我爲誰

兵動

〔新唐書德宗紀〕貞元十五年三月彰義軍節度使吳少誠反九月宣武河陽鄭滑東都汝成德幽州淄青

〔通鑑〕博易定澤潞河東淮南徐泗山南東西鄂岳軍討吳少誠十二月諸道兵潰於小潞河訐謨者誰子

詩抑訐謨定命新唐書宰相表貞元十四年七月壬申趙

示儒罷工部侍郎鄭餘慶為中書侍郎同中書門下平章

事崔損為關中旱新唐書德宗紀貞元十四年冬無雪哀師饑

門下侍郎開中旱四年冬無雪哀師饑間井左傳子產

章間井不虛應後漢書順帝紀咎形墀班婕妤自悼賦李

有伍拾遺記浮提國獻神通善書二人出肘間金壺壺

肝瀝血中有黑汁如浮漆灑地及石皆成篆隸科斗之字

及金壺汁盡二人刳葳蕤陸機文賦紛葳蕤以食芹列子

心瀝血以代墨焉馭還善注葳蕤盛貌食芹楊朱

篇宋有田父曰負日之暄以獻吾君里之富室告之曰昔

有甘芹萍子者對鄉豪稱之豪取而嘗之蜚於口慘於腹

衆哂而怨之其人大慙嵇康與山濤絕交書野人有快炙

背而美芹子者欲獻之至尊雖有區區之意亦以疎矣

緘封班婕妤擣素賦書既封骨髓董仲舒賢良高車古詩

而重題詩已緘而更結策臧于骨髓高車高車古詩

駟馬帶周行左傳君子謂楚于是乎能官人詩俊異任昉

傾覆周行嗟我懷人寘彼周行能官人也俊異求薦

士詔思求俊左傳楚文王謂鄭申侯曰惟吾去毛皮

異協贊雍熙瑕疵知汝余取余求不汝瑕疵也

左傳號射曰皮之戲法言戲可抵乎戎馬左傳范文子立

不存毛將安傳戲注戲鏘鏘隙也戎馬子戎馬之前

蜀雌枚乘七發暮則蜀雌迷酩酊晉書山簡傳山簡出為

童子歌曰山公出何許往至高陽池日夕倒載歸酩酊無所知

幽懷汝此詩編年無可明据但以我歌君子行揣之

入夜歸之不可則於其暮僚有不相合者故感春鳥和鳴而自酌自吟歎人之不如鳥也題曰幽懷蓋有

不可明言者歟

幽懷不能寫行此春江潯適與佳節會士女競光陰凝粧耀

洲渚繁吹尺僞切蕩人心閒關林中鳥亦知和為音豈無一鐙

酒自酌還自吟但悲時易失四序迭相侵我歌君子行視古猶視今

江潯

淮南原道訓江潯海裔士女詩溱洧維士與女采蕩

人心

枚乘七發陶節乎江潯詩車牽閒關車之牽兮永自吟顏

家訓文章篇自吟自

時易失

漢書蒯通傳時君子行按古

有君

古猶視今

莊子知北遊篇冉求問於仲尼曰未

贈鄭兵曹

云鄭或以為鄭通誠張建封節度武寧

在其時歟白樂天哀二良云祠部員外郎鄭通誠此

云兵曹所未詳也按舊唐書張建封傳十六年五月

建封卒判官鄭通誠權知留後事軍亂殺通誠此詩

作於將去之時故有戢鱗委翅之語見機可謂早矣

凡人歷官不一兵曹祠

樽酒相逢十載前君為壯夫我少年樽酒相逢十載後我為壯夫君白首我材與世不相當戢鱗委翅無復望當今賢俊

皆周行君何爲乎亦遑遑杯行到君莫停手破除萬事無過酒

壯夫

曲禮三十曰壯法言壯夫不爲也按公去徐時

戢鱗

屈原九章魚戢鱗以自

賢俊

顏氏家訓勉學篇漢時賢遑

遑

列子楊朱篇遑遑爾競一杯行王粲詩合坐同所

時之虛譽規死後之餘榮

韓昌黎詩集編年箋注卷一